

正一法文法籙部儀

黃素三盟登壇儀

肆五

某國統某年太歲某月朔日子某時係天師某治炁太一道士三洞法師五嶽遊行先生某郡某縣某鄉某里真人男官某昔從三洞法師太一道士男官某受老君元義天地日月五星上三天真一太一普督五德五萬五千五百五十五億萬重諸天諸日月星辰諸仙府諸世間諸地山嶽天神地祇五嶽四瀆三河九江四海八極山神水靈千鬼萬靈一切皆屬上三天真一太一今謹以其歲月朔日子某時傳付某郡縣鄉里真人某甲年如千歲稟炁清淳好道樂生陰陽中和五炁治身先受黃圖契令真天赤錄真天一真一太一素券從來積年未能飛仙今求進受上三天真一太一三十二天帝位符信受持金剛分真形投金魚稱與諸天地水三官結盟對共分金破契刻臂喻血飲丹結髮身命為誓與某甲共為一身同心合契奉行天真修行神仙志同齊舉飛昇上天不得耽染色

慾不專正一旦受道之後三十六年遇賢聽傳可授之人不得妄傳不得自欲高位不崇根本背向異辭二心兩舌誹謗師道攻伐師主一旦違負契令身謝三官長為下鬼削除生名不得怨恨甲自好樂神仙時不拘進手共畫一為信



右太一真盟上契左右書之

國統某年太歲某月朔日子某時某郡縣鄉里男女官太一道士真人某甲年如千歲詣某度受太一登壇盟約真一口訣結盟拔度生死不得負違一如

老君律令

右太一中盟契



係天師某治炁五嶽遊行先生臣姓某乙以去某年太歲某月某日某時從三洞法師陽平治功平五炁左平炁某嶽先生真人姓某乙受太一真契三盟之法拔度生死上邊九幽之中七祖名籍下度己身三男之度保成上仙太一同韓太一道士某郡縣鄉里男女生某乙於某郡縣鄉里中結盟奉受拔髮結髮生死為誓不負太一帝君神仙大盟律令五帝魔王過度太一道士甲生死三界名上仙品



右太一下盟左右書之

夫受三盟者應須五人七人九人同共結盟  
臧此不合法也上拔度百曾之罪下過度三  
界宮真妙之事極於三盟生死成仙無有差  
違受者結人為盟未至五日逆上盟刺條郡  
縣治位告下二十四獄拔出甲等七祖父母  
遷達沐浴竟五日然後而授此秘之師口萬  
金不傳傳之後賢非賢勿泄

其郡縣鄉里男女官某甲年如千歲

右如千人先受黃圖赤籙三一真一太一一

言之訣從來積年未能幽究宿緣今齋信詣

求受太一真一契三盟都奉請授謹狀

係天師某治系某嶽先生臣姓某乙

上言謹按文書臣以人微肌腥骨晁謬蒙明

時師老布化之際過泰負荷教化無效宣勸

通替夙夜戰慄如履冰谷有男女官太一道

士某甲等如千人年如千歲先受訣言未受

太一三盟秘法今各齋法信詣臣乞結盟元

元丹亦感於神明求乞之至微於影像臣輒

受法信教以訣言道室人輕不敢便授共登

黃壇授以盟言要誓天地日月為盟刻臂飲

丹誓告神明不敢妄傳甲受盟之後不得輕  
傳泄露真要自當奉承師法皆如今約一旦  
負違今誓甲當以身謝天地水三官萬殺之  
後不敢有怨乞原甲未受訣之前所犯一切  
赦貸恩惟

太上太一帝君慈父聖母則蒙

省理

右攝度太一登壇三盟付授訣言

黃素中章

其郡縣鄉里男官某甲年如千歲等乞恩辭

某素以胎生肉人千載有幸得在道門戶屬

師主某甲治以係天命首蒙明時得參中秘

黃圖赤籙三一真一太一迴車畢恭之訣從

積年而善功未立謹關非一夙夜憂懼若履

冰谷雖復導生養悉蒙恩無他未得奉修九

誠百二十事仰謝三十二天請度宿命之法

無上三天真一太一登壇大盟寶所未聞不

惟六竅知進退謹齋法物三十二種奉操

詣治乞丐成就如蒙教授不敢泄露攻根伐

本負違契令某等以身謝天地水三官致命

敬懷謹辭

太歲云云

其郡縣鄉里男女官某甲等謹條法信如左  
生米一斛緋緋六十四尺柳薪一束筆一雙  
鐵二百五十斤墨二九玄緋二百五十尺書

刀一口黃金十二兩大席一領黃素二百四

十尺真珠一兩法巾一枚褐一領金環一雙

法索五枚明鏡一面威戒五絲法囊一枚法

信盟錢三萬二千威經集文錦囊一枚命絲

三十二兩清淨兜盤七各一枚青銅劍一枚

和香五盞生口男女替代各一人明光錦百

二十尺銅八十斤青緋八十一尺生硃砂六

十四兩白銀十二兩大紙一百張白絹三百

六十疋

右三十二種奉操詣治受登壇三盟

上言謹按文書臣以人微忝佩太一尊任披

授賢能應補仙品者有牒男女官某乙等稟

杰清淳好道樂生今奉受五炁陰陽治身鍊

杰積年材堪進補上三天真一太一極品上

統五億五萬五千五百五十五億諸天諸日

諸月諸星宿諸仙府諸仙聖諸仙關諸山嶽  
天神地祇五嶽四瀆三河九江四海八極九  
宮八卦神室山神水靈一切千鬼萬神普攝  
衆神三萬六千普統衆靈總御衆官侍從衆  
仙及家國三魂七魄三鬼五神千二百形影  
萬二千精光一時並來更仙練某等今一旦  
受上三天真一太一之後不得背違上三天  
盟誓攻伐師主輕泄妄傳必須擇賢三十三  
年一傳不得違約違約之日某等身神沈醫  
長為下鬼命為土塵削除仙名不得廁預仙  
品長歿三官考召君吏所考事立所召者諸  
肉人元元須待拜署謹為拜章一通上詣  
上三天無上太上一君太上上三天太上  
帝君上三天太上元君三天太元一君上三  
天大道萬道根宗天地本始上至無上下洞  
無窮遠至無邊無極幽微衆官萬靈上三天  
之上五億五萬五千五百五十五億諸天君  
將吏功曹使者謁者僕射書佐小吏將軍吏  
兵馬騎乘各從官五億五萬五千五百五十  
五億萬衆一合從上上上無上上三天之上

蓋天來下入甲等身中從頭至足布巾骨節  
五藏六府九宮十二神室四肢五體百八十  
關節三百六十骨節孔竅管衛筋骨血脉安  
其等三魂定其等七魄仙某等三魂正五神  
生五藏應五星召還三萬六千餘神署生官  
各安宮室使仙道畢成舉形飛昇上為真人  
更定仙壽萬八千歲願上三天太一天尊萬  
道之主萬神之宗將從天仙鎮某等身中檢  
錄萬神願上三天之上飛仙君將神仙君將  
度世君將神人君將真人君將元陽君將萬  
生君將萬炁君將導仙君將胎息君將元精  
君將延壽君將太極君將太一君將清微天  
禹餘天大赤天君將吏兵馬騎乘一合來下  
入某身中營生養性還年補腦行生布炁金  
丹神漿玉液入某等身神玉女侍衛左右九  
天丞相削除死籍上名三天生錄與天地無  
窮周旋天下六合載名山嶽出入人間延年  
益壽辟斥五兵水火災危縣官口舌疾病喪  
禍虎狼猛獸毒蟲冤家盜賊伏匿黃淵埋頭  
萬丈不得妄宣若有符師道士支散雜靈六

天故炁飲食鬼神一切逆匿登山履嶮萬神  
扶持周旋天下地上神明交降所在立驗仙  
道必成胎息服御導引神炁內外光明雲行  
身中上昇清天黃老立宥神仙結友交遊真  
人飛騰高舉上補天仙乘雲駕龍拜謁道君  
壽終不老與日月齊明飛行超越隱顯浮輪  
并遷某家七世父母上至億曾萬祖皆昇三  
天列補仙官恩惟  
太上無極太一君垂恩省納分別求哀  
右破三盟契後付授赤章  
○ 太一黃素三盟儀  
謹啓黃素丹盟告諸弟子某甲等應諾太清  
太一無量清法門下真一五炁太一九宮成  
具滿足便得仙度太上於崑崙進登天首大  
治七寶觀上召天師張道陵而告之曰吾道  
出於無先太初之前無所從生靡所不成吾  
昔於此觀上啓受妙法吾以聰明智慧攝意  
奉行便得微妙玄通求道上仙莫有疎怠之  
名奉行黃老之道生死之訣當畏法慎戒生  
門之中生道有一死道有九驗於大度常當

戰戰如履冰劔把毒常懼害及其身謙讓曲躬卑辭下物勤心苦行無虧孝敬受訣之後奉行法戒無違分數九一之法生道之極耶天師再拜承盟奉修位登天師後授王長趙昇三夫人洛下三公皆得白日昇天登壇如

左

謹請盟誓列啓三官甲等受盟誓天地爲信指日月爲盟引三曾五祖七世父母自身證約不輕傳泄登壇之訣九年聽傳三人若世無可傳者啓宣三官發先盟誓封諸事訣藏之深山石室不違盟約甲等七祖父母上昇玄宮受福天官身得仙度福流萬世世蒙榮寵若妄傳非其人甲等七祖父母下受風刀之考身沒積夜之河殃流萬世世受考喻血飲丹披靈赤心啓封三官日月所照天地所聞結盟之後司命削其等死籍度著生籍使天官注仙名地官除死籍水官絕殃考壇上三官考召君吏并甲等所佩將軍吏兵保護肉人必使仙度若甲等先世因緣宿對未應即仙要須尸解經太陰者甲等以得登

壇大度結盟三官罪滅福生應昇神室福堂二十四神自守衛甲等形骸不使魂魄離散骨肉是腐二十四年舉形化出宿緣應死超然復生枯腐之骸枯骨受仙沈淪隱見無所拘閉此是登壇結盟三官之力超登殊劫過

死度生之福明自修慎不敢違負今約

謹宣盟約告諸弟子同壇共視師某父母若有危難當衆共濟若橫羅縲繼當審明極窮濟之趨急度疾危不得輕師負盟親相捐妻若如此而不救告而不赴者有危之身發盟告神求乞免度違盟者受考告靈者得福若在危難之中不測之地向師存亡所在靜夜披露丹心啓求度脫若未蒙濟免自當神告景應知其罪福盟誓君吏壇上三官自應侍衛營護必得無他但當敬承盟約不違信誓自得仙度衛護君吏考功記過壇上三官主債罪福明白證慎某國號太歲某月朔日於某州郡縣鄉里中係天師某治炁臣某甲從某治道士某奉受傳某郡縣鄉里某甲

太上黃素丹盟三條登壇者各未書黃素佩隨身生則受仙之券死則拔遠之根三官證拔生受福無復罪緣

太一登壇黃素三盟逆刺付授儀

謹出日身中五體真官神仙五炁功曹吏出太一金剛元炁直使功曹通神功曹五元功曹和合功曹運炁功曹統仙功曹各二十四人出王炁左官使者平炁右官使者陰陽神決吏仙化吏科車赤符吏剛風騎置驛馬上章吏官各二十四人出某郡縣鄉里中真正之官監察法炁考召四君連召諸君將吏等左右平炁君左右都候君左右執平君左右執法君東方九天九炁君南方三極三炁君西方七合七炁君北方五元五炁君中央一炁君陽平鹿堂等二十四治炁三十六靜塵天師門下君將吏兵所布下道上二玄三元四始五德六合甲子諸官君周天八極飛仙君養性長生青龍騰蛇君等奉行文書事謹操巨爲男女生民太一道士某乙度金剛畢

奏或登壇黃素三盟拜露刺一通刺今露在中庭玉案上請省功曹使者將軍吏兵須考正甲等合悉連名保負須所召者詣所下者至功成事立<sub>臣</sub>拜章報授畢各還<sub>臣</sub>宮室中伏須效應旬當刺

右授金剛畢奏上刺出官

授太一三盟大券口刺

某郡縣鄉里男女生官某甲等年如千歲字某乙戶屬師主某乙治男女官某乙等稟性慈仁素體溫良鍊炁積年廁身秘門參染真要階綠上道奉受太一金剛契今曉知三炁飛仙之訣雖備眾契未遂登壇生死大盟今齋信儀連名誓身束骸告<sub>臣</sub>求受太一三盟登壇大券明真大諱三百六十圖號千二百口訣依先師本法告傳謹狀

具位係天師<sub>臣</sub>治炁<sub>臣</sub>某甲稽首再拜上啓太上无极大道太上老君太上丈人太一帝君皇天上帝无極元君道德報尊三天法師正一真人門下典者施行飛仙君吏<sub>臣</sub>運逢天道係命玄教衛宣法化搜索有道遊行世

界拔度天人今有宿命因緣從虛元中來某郡縣鄉里男女官某甲年如千歲甲等素深玄教練備真文奉受眾契修行真秘雖備上法未破玄誓今相攜率操齋法儀束骸詣<sub>臣</sub>求受太一登壇三盟生死處仙大券黃素證

誓<sub>臣</sub>昔從大洞真人某奉受約當傳授後賢察甲等專誠樂道在可成就輒剋某月某日時於某嶽山之中共立黃壇證誓五帝分符破契告盟天地付授秘局施行口訣謹先於此某郡縣鄉里中露白刺奏上

天曹特願

太一帝君皇上大道留神照察若甲等骨法合便依法付授玄都無骨法願為考正從上玉籙名備天仙到某日某時良日吉辰靈嶽之中黃壇之上稽首告盟誓天證地付授玄一高上之道生死大盟存亡成仙謹以啓聞立須報應<sub>臣</sub>甲誠惶誠恐稽首再拜以聞

臣姓

太上大道无上三天太一帝君太清玉陛下

太歲

右口刺

謹重勅五體仙官騎乘將吏騰<sub>臣</sub>所上某刺上詣

太上左君玉閣下付與侍香青腰玉女等所

言倒錯越失不得舊法者願為考正依本法

文若有干截公文者將吏神仙騎乘收付所

在獄中依事治罪令<sub>臣</sub>所啓上達伏須告報

<sub>臣</sub>所上事訖向出仙官吏兵各還官室彌給

五官六府安官復職至日呼召復出<sub>鳴鼓三通</sub>

太一三盟付授儀

謹出<sub>臣</sub>身中神仙直使正一神官功曹陰陽

運炁明先使者左右官使者陰陽神決吏科

車亦符吏剛風騎置驛馬上章吏飛龍騎吏

左右龍虎君赤飛仙童官各二十四人出出

者嚴裝顯服具列威儀謹關某郡縣鄉里中

真官注炁監察考召四君將吏社里邑君土

地靈祇八方監察神仙眾官<sub>其位</sub>係天師太

一炁無極金剛畢奏某嶽先生<sub>臣</sub>某稽首再

拜上啓

太上無極大道太上老君諸君丈人太一帝君天帝君皇上大道天師三師君太一神仙玉曆真科付授威儀使者典行飛仙事臣萬劫因緣謬聞大法運值有幸遇大洞法師真人某甲授臣登壇大盟生死證誓飛昇至道玄元要訣覈具之券萬幸宿生悟性臣受法以來積有年載雖未能察幽覩冥坐在立亡重希玄降於身有科承科傳授以付後賢某郡縣鄉里某甲年如千歲前蒙黃籙契令奉受五金剛契令被悉積年練悉紀綱今操齋信儀詣臣求受登壇三盟大訣目承先師本法與甲等對共立壇證誓五帝分金破券翁丹告盟甲等受道之後永為身寶不得攻根伐本指師誦道唱露要訣傳非其人中泄靈文施布世間一旦有違生死父母沈淪罪由萬劫無原謹以啓闕須可奉行臣甲誠惶誠恐稽首再拜

次讀券 讀黃盟

次畫一

畫一左手指天右手畫地以左手指中央師便言係天師某治陳昔從大洞弟子某受太一登壇盟券今依法傳授弟子某甲受此證約當依真師盟壇大約不得攻根伐本指師誦道泄露靈盟一旦有違萬歿謝罪生死沈淪上告天靈下示地祇中誓賢人三證靈盟義不相負謹共畫一為信

次下髮

作結一結言清微天泓二結言禹餘天澄三結言大赤天明上三天之帝真重為誓結髮盟壇不負靈約次刻錄言老老一大一開刻中言太上太一門石門也

次弟子盟丹水

某郡縣鄉里男女生太一道士某甲敢告丹水甲好仙樂聖詣太一無極道士某甲受太一三盟登壇大券明真大諱三百六十圖號千二百口訣第十甲為弟子不得背叛師道妄傳世人違盟族傾背誓不生共喻丹水為盟指天畫地以生神靈急急如律令

次師命丹法

太一無極道士姓某乙敢告丹水有某郡縣

鄉里某甲求受臣太一三盟登壇大券明真大諱之訣萬道之神甲為弟子不得背違券契上監三天老君所明急急如律令

次師左手弟子右手共持丹水更喻

之各三止弟子先喻師後喻

醮壇法用醮具五盤香五鑪用棗五梓東向醮具九盤香九鑪用棗九梓東向

係天師太一無極某治真人臣甲謹上詣

東方青帝南方赤帝西方白帝北方黑帝中

央黃帝太一帝君皇天大道太清玉陛下從

官九億萬騎搖天動地降此靈嶽皇壇之上

臨饗微醮屈靈靈臨謹有男女官某乙等受

黃素太盟長生拔仙大券施設微心上請

天尊伏願神顏曲盼世界眷慈蒼生愆闕不

及以唯乞願原赦便再拜十五

次受契者先五拜次師左手授契與

弟子弟子左手取之三繞身單東向

三迴九拜次又北向九拜太一君三

迴三拜又向師九拜次俱起於地戶

指天畫地左行三迴右轉召弟子七祖證明如具

次重初法

謹出巨身中五體真官功曹吏出太一金剛長壽功曹二百四十人太一度世功曹二百四十人太一度命功曹二百四十人出太一青腰玉女二百四十人出太一娥皇玉女二百四十人出五老君將吏二百四十人出長生永終吏二百四十人出東夷南八蠻西六戎北五狄中央三秦君將吏各二百四十人出千乘億騎蓋天來下剛風騎置驛馬上章吏官各二百四十人出今授甲等  
太一三盟登壇大恭明真大諱之訣或全剛一言之  
當令甲等受道之後長生久視同襟仙聖齊肩保器神耀不求而前祐令神丹金液靈芝衆藥服練身形千道萬神為甲驅使坐起行住太陽在左太陰在右青龍白虎朱雀玄武俠從前後天神當下地神並出五老神君除甲死籍青書黃簡上甲生名七玄父母返胎南宮合家大小皆享永延甲一旦違盟考

甲百曾捷蒙山之石填塞三河長充下鬼永為土囚一如契令依如

太上老君太上衆尊無極大道無上玄老五炁道德萬生萬度萬福君丈人新出老君太清玄元上三天無極大道太上老君太上丈人太上三炁君天帝君太上五炁律令奉玄都正一平炁係天師某治太一道士太上曾孫小兆巨甲稽首再拜  
上言謹按文書巨等素自蟲蟻枯骨子孫千載有幸得在道門被蒙大恩不以頑愚竊好生法並蒙師老賜佩太一契令不唯功少希慕上真以今月某日率同學某甲等詣無極太一中宮道士某治郡縣鄉里某乙進受無上太一證誓三天登壇死生三盟上拔七世父母幽魂苦爽次以昇度某乙等生死之愆腐骨是肉未有微勤荷施山嶽非巨甲等輕愚所享不勝重沓謹伏地拜章謝闕願上官典者哀矜巨等乞上生名太清仙都玉曆得在神仙種民輩中謹遣巨等身中三官考召君將吏天官考地官考水官考清微天考

禹餘天考大赤天考此里中四面真官注炁監察考召諸官將吏巨等投身託命生炁一節奉承元老巨等所備宜畢真妙中玄皇壇山岑之上太陽之下伏地拜赤中章一通上奏至極太一巨前巨等從巨某乙共上告皇靈下指地祇巨冒顯以傳受恩惟玄極映明真君獨明注炁謹請無極自然神仙先天帝太元君姓字率將騎乘日月五星五帝九宮五嶽四海璇璣玉衡三河九江神仙兵馬太一騎乘獨轅之車駕無極之馬前導至真精神後從五帝陛下神仙騎乘俠從左右前無不祥後無殃各頭上璇璣足步北斗日月五星導前後後震天動地一合來下各按次第左右從巨某乙等三元會官中一為神主仙帝之皇當為巨等延上三天生炁太一神丹金液玉漿入巨等身中八十一宮十二神室太玄四注巨等五神太一神精五炁纓絡九元鍊命三丹度生却死昇上晨極注入玄宮翱翔五嶽高舉飄騰耀影金闕鳳翠紫庭仙道早成毛羽時生遨遊八表戲觀八臺交闡華

霍賜與丹精九靈合華七祖昇遷魂入道鄉  
開樂之堂衣食自然臣等同盟之人有危之  
日當更相救濟拔度為先上存法師次存同  
盟人名自今以後不敢負三盟約言宗崇法  
師唯善為先既往之罪負盟之愆唯乞原赦  
思惟

太上無極大道無上玄老太上三炁天帝君  
分別求哀臣等謹因二官直使正一功曹上  
右官使者陰陽神決吏科車赤符吏剛風騎  
置驛馬上章吏官各二人出操臣等受太一  
三盟拜上三日謝恩紙章一通上詣  
天曹伏須告報臣甲誠惶誠恐稽首再拜  
右三日謝恩章

四極明科開度文訣葛仙公撰  
夫受靈寶三十六部專經不受迴案即萬劫  
之中不得傳受既受迴案不破太一登壇三  
盟金真妙契則七玄不離於鄴都那可便為  
人師三盟既竟即七玄超度生死同仙便拜  
迴案授為洞玄法師若七祖未拔三盟不破  
輕授迴案則師受泄經之罪賊寶之愆依四

極明科荷風刀之考依三盟解釋則存亡起  
拔標名諸天故拜為靈寶法師夫受靈寶開  
度不顯於師則死籍不解瓊文無名徒受寶  
經永無傳付閉塞大法於身為損受經既竟  
便為開度上顯諸天下標諸地名徹諸真為

師上盟五帝為洞玄師若無此之功師輕度  
迴案師則受輕泄違誤之罪身受風刀萬劫  
無原後世為明識此言勿作輕說考及終身  
沈淪罪網萬劫無原考屬四極曹有急危災  
疾呼太一名以左手執道父便仰頭三呼無  
極太一君諱我今有某急危君當過我湯火  
之中白刃之下過度九危之中知道為神知  
道為真左迴還兩顧

子狩士徐名他二名上鼠頭人身黑衣持鑲  
丑狩士秦何牛頭人身黑衣持鑲寅狩士徐  
方虎頭人身青衣持鑲卯狩士徐澤兔頭人  
身青衣持鑲辰狩士徐皇龍頭人身青衣持  
鑲巳狩士徐千蛇頭人身赤衣持戟午狩士  
司馬籍馬頭人身赤衣持戟未狩士公孫昔  
羊頭人身赤衣持戟申狩士石勝猴頭人身

白衣持弩酉狩士石衰雞頭人身白衣持弩  
戌狩士徐阿狗頭人身白衣持弩亥狩士公  
孫昔猪頭人身黑衣持鑲

右十二時狩士真名服符存呼之不得傳  
非其人秘之慎之戴先生授謝穎川謝顯

川授道士陳藝道士陳藝授母仲度度授  
劉散騎道符授道士丁玄真

九和香法燒之香聞九里感徹神明

沉香 一斤 青木香 三兩 甲香 三兩 薰

陸香 一斤 詹唐香 三兩 變香 一斤 青漸

香 一斤 雀頭香 一斤 大乾葉 二十枚

凡九種各異搗下篩以白蜜和令相著密器  
中封其口三宿三日香成聞九里其法秘不  
妄傳欲致神明合諸丹者燒之稍稍分著別  
器中令炁不泄此古九和也

正一法文法籙部儀